



Universitätsbibliothek Paderborn

**R. P. Ioannis Evsebii Nierembergii Vita Divina, Sev Via
Regia Ad Perfectionem**

Nieremberg, Juan Eusebio

Monasterii Westphaliae, 1642

Capvt II. De jure quod Devs obtinet, ut divinæ homines, non propriæ
obsequantur voluntati.

[urn:nbn:de:hbz:466:1-46790](#)

C A P V T II.

7

& acceptum; quò omnibus hâc ratione persuadeam , ut ardenter illud appetant, studiúmque in eo suum collocent . Quosdam enim sola trahit spes proprii commodi; quosdam voluptas; honor permovet alios; alios obligationes respectúsque graves: nonnulli necessitate, vi nonnulli dumtaxat impelluntur . Rationes hæ omnes hoc Exercitium suadentes optimè conspirant , ad illudque nos impellunt: quandoquidem divinæ exse- cutio voluntatis res ea est, quę una omnium maximè nos sibi obligat , quā nulla alia vel gloriōsior, vel jucundior, vel honestior, vel utilior , vel necessaria magis , vel denique potentior efficaciorque reperitur.

C A P V T II.

De jure quod DEVS obtinet, ut divine homines, non propriæ obsequantur voluntati.

Dubitari non potest, quin servus Do-
mini sui, cliens Principis, filius patris,
& mariti vxor voluntatem exequi, ab eaque
nec tantillūm deflectere teneantur . atqui
DEVS , noster est Dominus , Rex noster,

A 4 Spon-

Sponsus noster, nōsque mille illi uominibus
obligatissimi sumus: quia pretio Sanguinis
eius redemti; quia totos nos ei tradidimus
& mancipavimus; quia ab eodem procrea-
ti sumus.

Si suam colonus censem arborem, quam
posuit; si canem domi suæ natum, suum re-
putat; si suam statuarius imaginem, quam
scalpsit; quid ni suos dicat sibi que vendicet
DEVS, quos è nihilo condidit? Etenim uti,
juxta receptam Philosophorum doctrinam,
infinitè distant, facere aliquid ex aliquo, &
facere ex nihilo: ita jus & dominium, quod
in suas DEVS creaturas, ut qui eas ex nihilo
creaverit, obtinet, jura omnia alia infinitis
partibus excedit.

Si ergò homini in hominem jus est &
dominium, ut eo pro libitu suo utatur: atq;
ut servo tuo nihil arbitrio proprio facere li-
ceat; eò solùm, quòd in bello captus, aut ex
ancillâ domi tuæ natus, aut exiguo & peri-
turo pretio emtus sit^a: quantum, putas, DEO
juris erit in voluntatem nostram, ut ejus nos
beneplacito penitissimè submittamus, quos
arctif-

^a Institut. lib. I, Tit. 3, & 8, & alibi ICti.

CAPUT II.

5

arctissimè sibi devinctos habet; quia è nihilo procreavit & redemit? Certum est, multis de causis & nos ejus debere perficere voluntatem, & potestatem Eidem in illam summam esse.

Quod si servus, ob exiguum illud vinculum, quo hero suo adstringitur, non est dominus actionum suarum & desideriorum; fierine poterit, ut nos, Deo tam multipliciter devicti, quorūque supremus ipse est Dominus, nostrī ipsorum ac voluntatis nostræ velimus esse domini, eāque Deo nostro subiicere nolimus?

Consideremus igitur diligenter, quā ex hoc capite causam nullam habeamus, vel in re minimâ, uti noctu oculi, motu dīti, aut solâ anhelitûs captatione, voluntati nostræ obsequendi: quoniam & æquitas ipsa, & leges omnes, tantum esse pronuntiant debitum, quantum fuit acceptum. quia verò à Deo accepimus quidquid sumus; illud omne quod sumus, in ejus obsequium est expendendum, ejusdémque nutu & arbitrio nobis vivendum.

Nostra deinde adversus Deum obligatio,
A 5 infi-

10 VITÆ DIVINÆ

infinita est: infinitum autem terminos nullos habet, nihil excipit, locum nullum præterit; ut ne ullam in partem nostri simus, sed toti DEI. cuius jus injustè violabit, qui quidquam (re nullâ exceptâ, sive opus exteriorum fuerit, siue motus animi internus) etiam minimam cogitationem, non secundum DEI, sed suam voluntatem, suscipere non dubitabit.

Præclarè igitur & verè S. Anselmus: *Solus DEVS, ait, quidquid vult, debet velle propriâ voluntate; ita ut aliam quam sequatur, non habeat suprase. Cum igitur homo vult aliquid per propriam voluntatem, DEO aufert quasi suam coronam. Sicut enim corona soli Regi competit; sic propria voluntas soli DEO. Et sicut Regem aliquem inhonoraret, qui suam coronam ei auferret; sic homo inhonorat DEV M, qui aufert ei propriæ voluntatis privilegium, habendo, quod ille debet habere solum. Sed sicut propria voluntas DEI, fons est & origo totius boni; ita propria voluntas hominis, totius est exordium mali. Hæc omnia totidem verbis S. Anselmus b.*

Verum ut accuratiūs ista ponderemus,
opera

le dico de similitudinibus, cap. 8.

CAPVT VI.

ii

operæ pretium erit , secundo loco titulos aliquos , ob quos Devs in nos jus habeat , singulatim considerare . Nam si unicus ille Creationis titulus , hoc est , quod immensâ caritate & potentia infinitâ ex nihilo conditi , DEV M , nostrum agnoscamus Domi- num ; abundè sufficiat , ut infinitè obligemur , ad nullâ in re nostram , quâ nostram , voluntatem sequendam ; atque ad hoc DEO jus concedendum , quod in rebus omnibus , nisi injusti , raptores , & ingratî audire velimus , ipsius nos obsecundare deceat voluntati : si ita , inquam , res se habet ; quid tandem erit , accessione tot aliorum titulorum , ob quos non minùs noster est Dominus ?

Primum quidem ; quia sibi nos emit , ut dixi : non qualicumque pretio ; sed pro nobis expendendo thesaurum infinitum . Si cui enim pecunia , quam pro mancipio numeravit , tantum in hoc juris confert ; ut omnia illud deinceps agat arbitrio emtoris : Devs similiter , pro infinito , quod pro nobis exsolvit , pretio , jus in nos sibi vendicat infinitum ; eaque propter infinitè nos ipsi

A 6 subesse,

subesse, ejusque beneplacitum implere necessum est. quod ipsum jus, omnem nobis penitus adimit potestatem, etiam in re minimâ, ad corpus animûmve spectante, quidquam ex nostrâ voluntate faciendi: quoniam, cùm idem DEVS infinito isthuc pretio animas nostras potius emerit, quâm corpora; nullo jure, vel minima interioris animi motio nostræ permitta est voluntati.

Tametsi præterea nullam ob rationem aliam haec tenus ad DEVM pertinuissemus; ex quo tamen tempore, per passionem & contractum voluntarium, totos nos emancipavimus; quanti quanti sumus, illius sumus: idque non aliter, quâm S. Paulinus barbari istius fuit hominis, cui se in servum addixerat, pollicitus, quidquid ille imperâset, id se omne diligenter perfecturum. Atque ita, quia sponte nostrâ DEO nos tradidimus; (quam traditionem hoc ipso momento utique renovamus & confirmamus,) novum in nos DEVS jus acquirit, ut quod ipse vult, non quod nobis placet, faciamus.

¶ S. Greg. Dialog. lib. 3. cap. 1.

clamus. quod jus æquè, ac prius illud, est infinitum; adeoque infinito quodam studio cavendum est, ut ne nostram, sed solam DEI voluntatem impleamus.

Porrò jus hoc eam ob causam infinitum est; quia loco debitorum infinitorum, quibus Deo, ob infinita ejus erga nos beneficia, devinctis sumus, illi nostros dedidimus. Et quemadmodum apud gentes quasdam, cùm solvendo non esset debitor; creditori servus addicebatur, qui pro debitorum magnitudine plus minufe in eum juris usurpabat: sic èt nos, cùm beneficia & nomina tam multa, apud DEVUM contracta, dissolvere non possemus; ipsos nos illi mancipavimus. Obligatio quæ hinc nascitur, & potestas, quam Deo idcirco dedimus, infinita est; nosque, quantum fieri potest, ipsius obsequio addicens, illique tradens jure quodam infinito: per quod nullo pacto nostri sumus; neque causam reliquam habemus ullam, nostræ, sed divinæ dumtaxat, voluntatis perficiendæ.

A 7

Insu-

d Alex. Guagninus in descriptione Moscovia, cap. 1. Videri etiam possunt de pœnis debitorum Gellius lib. 20, cap. 1; Alex. ab Alex. lib. 6, c. 10; Cal. Rhodig. lect. antiqu. lib. 12, cap. 20, &c. alii.

Insuper, si ob mercedem servo promisam, eo, pro libitu suo, uti herus potest; Deus quoque, ob præmium longè maximum, quod nobis pollicitus est, & fide optimâ præstare vult, jus sibi acquisivit, ut divinæ ejus voluntati necessariò pareamus. Atque uti hòc diligentius famulari domino suo servum decet, quò ampliorem ab eo mercedem exspectat: ita nos, cùm merces & præmium à Deo nobis juratò promisum, certoque repræsentandum, res sit infinita, atque, ut Theologii loquuntur^c, objectivè Deus ipse, Deique possessio, & clara visio infinitæ ipsius essentiae; cùmque hæc possessio infinita sit, quia sine fine duratura; consequens est, ut obligatio hinc profeta, èt ipsa necessariò infinita esse censeatur.

Verùm ut ista non essent; & neque nos procreasset Deus; neque vitâ suâ & pretioso Sanguine redemisset; neque nos ipsos illi sponte tradidisset; neque quidquam illi deberemus: quamvis etiam obsequia nostra tam liberaliter compensaturus non esset;

^c S. Thomas 1.2, q.3 & 4, & Theologi ibi.

set; propter authoritatem tamen solam & excellentiam essentiæ suæ, Dominus noster & Deus est, nosque, seclusâ caussâ omni & titulo alio, infinitè vel ob hunc solum, illius nos imperio subjicere debemus: quia, docente Aristotele^f, naturalis dominatus naturæ dignitate nititur; quæ efficit, ut homo dominetur brutis, vir imperet uxori, & imprudentiores prudentioribus subditi, ab iis dirigantur & gubernentur. Quando itaque Dei sapientia res ceteras omnes infinitè antecellit, dominium indè acceptum, iterum infinitum est; atquè ob illud solum cónvenit, ut infinitè illi subiecti, ejus voluntati planissimè obsequamur.

Habet verò Deus, præter supremum nostri dominium, ut justitiæ titulum omittam; propter multos alios, caussam æquisfimam, ne ullâ in re nostrâ, sed ipsius tantummodo voluntatem perficiamus. Ob solam illam obligationem, quam affert virtus pietatis sive religio; quia summa est, meritissimò omnem, quam debemus, obedientiam,

^f Arist. lib. I Polit. cap. 3.

tiam, reverentiam, honorémque ipsi exhibeamus: eò quòd Pater noster sit ; idque cum tantâ tamque strictâ necessitudine, ut nemo alias æquè noster Pater sit atquè ipse, qui per gratiam suam, vinculo & conjunctione firmissimâ, nobiscum communicat divinam suam naturam : usque adeò, ut, si singamus , non habere DĒVM perfectum absolutumque imperium in suas creature; propter hunc unicum tamen titulum, quòd Pater sit hominum, infinitum ei obsequium debeamus : cui obsequio ex æquo respondet non propriæ , sed alienæ impletio voluntatis. Quare , cùm ob patriam Devs potestatem, submissionem à nobis jure optimo reposcat ; eo constituto sequitur rursum, ex ipsius semper , nostrâ verò numquam, voluntate, omnia nobis esse facienda.

Ex eo similiter; quia Sponsus noster est, perfectissimumque & infinitè elevatum esse habet supra omnia alia; infinitum ei amorem debemus : quia infinitus amor amorem omnem aliud excludit. Quocirca si vehemens rei creatæ amor non permit-

tit,

tit, ut quis ipse se amet ; ecquâdemum ratione sinet jus amoris divini , ut aliud quidquam , immo etiam temet-ipsum , ames? Cùmque eatenus infinitè à nobis amari Devs debeat; turpe fuerit, quidquam aliud amare quàm ipsum , aut propter ipsum: quantò verò turpius , ullâ in re ipsius sanctissimæ voluntati repugnare , & jussa detrectare?

His istud adjungo. Quantumvis nec Dei servi essemus , uti sumus , jure legibúsque omnibus, ejus voluntati obnoxii: quantumvis nec filij; ideoque ad ei obediendum meritò paratissimi: quantumvis deinde animæ nostræ ejus Sponsæ non forent, neque ipse infinitè perfectus ; neque nos aut ob justitiam, aut pietatem, aut religionem, rem ipsi creatam ullam obsequiúmve deberemus; adhuc tamen, propter id solùm , quod humani grātique lex animi exposcit, in re nullâ propriam , sed solam ipsius in omnibus voluntatem teneremur perficere . An cui dubium esse potest , eum, qui beneficia ingentia se accepisse fateatur ; hòc maiores gratias reddere oportere , quò & beneficia ipsa

ipsa ampliora , & accipiens minùs ea pro-
meritus fuerit?

Quandoquidem igitur sole clarius est,
infinitas nos gratias debere pro omnibus
Dei beneficiis & infinitâ ejusdem liberali-
tate, quam infinitè ingrato, impudente, &
illiberali sordidóque , quo erga DEV M usi-
sumus, animo, nullo sanè pacto promerui-
mus; gratias has, sic debitas, re aliquâ nostrâ
referamus oportet : quia de bonis alienis
nemini certè satisfacias ; multoque etiam
minùs iis, quæ ad eum ipsum, cui debes, per-
tineant . posteaquam autem proprii nihil
possidemus , quodque magis propriè no-
strum dici potest , voluntas est libérūmque
arbitrium ; obligati quoque sumus , ut illud
DEO plenè integréque consignemus : nam
istuc solum minùs impropriè nostrum , fa-
cultatésque & opes nostræ , dici potest.

Quapropter cùm tam sumus rerum o-
mnium egeni, ut aliud nihil nobis restet; at-
que ut illud ipsum , quod aliquantò magis
proprium nobis esse videtur, réque ipsâ est,
totum , nec tantillum reservando , DEO of-
ferre debeamus: (quippe si vel pauxillum
nobis

nobis ipsis reservare vellemus , haudquam in totum Deo nos tradituri essemus; nihil admodum habentes nostrum, quod eidem demus, nisi voluntatem & amorem nostrum) Deus quoque ipse aliud à nobis non exspectat. immo res ceteræ omnes, hæc unâ neglectâ , parùm ei placituræ essent. Quicumque porrò, quod alteri debet, gratum eidem optat accidere ; eâ illud ratione exsolvit, quam creditori acceptissimam fore cognoscit.

Plurimum crescit augeturque hæc , de quâ loquor, obligatio ex eo; quod non immensa tantum beneficia, sed suâmmet insuper Deo voluntatem debeamus : ideoque, ut explicata sit solutio , éadem illi moneta, hoc est, voluntas nostra repræsentanda est. debemus, nempe, Deo amorem suum; quia sincerissimè nobis affectus est , & delicias g nos suas reputans, Majestatem suam i. ostraræ quodammodo submisit volūtati. Quavis enim absolutus ipse fit Dominus, & jure optimo, quidquid vult, id facere, suisque creaturis pro libitu uti queat ; nihilominus id solum

g Pro. 8, v 31.

lum vult & facit, quod nobis utile est; suorumque famulorum voluntati mirè obsequitur, eos reficiendo epulo pretiosi Sanguinis & vitæ suæ, æqua & honesta desideria nostra antevertendo, & sponte præstanto, quod, ut fieret, rogare nos aut optare debebamus. Ad vocem Iosuë, *stetit sol in medio cœli, obedientiæ Domino*, ut Scriptura^h loquitur, *voci hominis*. Moysè non permittente, noluit meritas Devs ab Israële pœnas expetere; sed ejus precibus placatus est Dominus, ne faceret malum, quod locutus fuerat aduersus populum suumⁱ. Idem Devs, quod magis admireris, nisi juxta oris Eliæ verba, misereri Hebræorum noluit, & non pluit annos tres & menses sex^k; tametsi præ aquæ inopiâ populus contabesceret. Idem, ne Abrahamum contristaret, tum denique in Sodomam & Gomorrham animadvertisit, postquam, eo præmonito, Lothum, Abrahami nepotem, indè in locum tutum eduxisset^l. Idem cum Iacobo luctatus, eidem, quemadmodum exoptabat, benedixit^m.

Sancto

^h Iosua 10, v. 13 & 14. ⁱ Exodi 32, v. 10 & 14, & alibi. ^k 3 Reg. 17, v. 1; & Iacobi 5, v. 17. ^l Genes. c. 18 & 19. ^m Genes. c. 32, v. 24 & seqq.

Sancto Thomæ Aquinati ægrotanti pi-
scésque appetenti, ibi, ubi decumbebat, igno-
tos ; (recentes haleces erant) eosdein
per miraculum subimisitⁿ. Illud ipsum usu-
venit è Societate nostrâ viro Apostolico
Patri Petro Canisio ; quem itidem ægrum
vehemens cupidus incesserat carnibus certæ
cujusdam aviculæ vescendi : qualis, frustra
alibi quærenda, per fenestram in cubiculū
advolavit, séque nullo negotio capiendam,
tantum non ultro obtulit^o. Tam denique
liberalis est Deus adversus justos, ut Regius
vates afferat, *Deum oculos suos perpetuò*
in ipsos conjicere; ut, quid velint, perspiciat;
aures quoque patulas iisdem præbere, ut or-
rationes ad se fusas audiat & exaudiat. *Oculi*
Domini, inquit, super justos, & aures ejus in pre-
ces eorum. ^{P.} Si gloriari potuit Hierophantus
Themistoclis filius, *quidquid ipsi placuisset, id*
populo quoque Atheniensi probari: sua enim sen-
tentiæ matrem suffragari; hujus Themistoclem:
cujus universi Athenienses ratum haberent decre-
tum;

ⁿ Surius tom. 2, 7 Martij, pag. 117. ^o Raderus ejus vita
lib. 3, cap. 3; & eleganti pro more Epigrammate Biderma-
nus. p Psal. 33, v. 16.

tum^{q:} quantò meliori jure homo justus dixerit, concessam sibi esse Omnipotentiam divinam; &, quidquid ipse velit, hoc idem creaturas omnes, hoc omnes Angelos, hoc velle omnes Beatorum ordines : quoniam talis suam voluntatem divinæ in omnibus promptissimè subjicit, cum quā similiter universi cæli cives perfectissimè consentiunt.

Expendamus nunc ulteriùs, quemadmodū non suam modò immensa illa Dei Majeſtas voluntatem nostræ hominum voluntati accommodet, eamque exsequatur, cùm quid animarum nostrarum saluti conveniens ab ipso petimus ; verùm hoc amplius voluntatem & vota nostra præveniens , ea etiam bona largiatur, quæ, si cognita haberemus, enixè nobis essent flagitada; multoque adhuc majora , quām reverà petere auderemus. Enimverò quis non, ante promissa divina nobis facta, velut rem impossibilem, sperare aut petere timuisset, ut pro se Deūs hominem indueret; aut tam infami morte defungeretur ; aut panis pauxillo

ab-

q Plutarch. de liberis educandis, sub initium.

abditus, suis se servis manducandum præberet? Non intermisit tamen Bonitas illa infinita; quia id nobis maximoperè profutum erat, ea ipsa desideria implere, quæ nec excitare poteramus. Palam est, postulare hoc gratitudinem & compensationem mutuam, ut DEI nos beneplacitum & voluntatem, quæ semper cedit in commodum utilitatēmque mortaliū, exsequamur: postulare item, ut omnes affectus, desideria, & actiones nostræ ad ipsum referantur. Quod nisi facimus, nullam in partem ipsi satisfacimus; neque perfectum nostri ipsorum holocaustum consecramus, quale supremo isti dominio, & juri infinito, quo voluntati nostræ imperat, omnino debetur: quod sacrificium Majestati illi Æternæ, ex iis omnibus quæ à nobis ipsi dicari possunt, longè est gratissimum; quandoquidem in eo, Deo non bona dumtaxat nostra, sed nos ipsos consecramus.

Ex iis, quæ huc usque differuumus, aliud firmissimum petitur argumentum, quo docemur, numquam nostram nobis voluntatem expetendam esse: quia, scilicet,

Deus

Deus ipse, cui unius competit voluntatis propriæ perficiendæ, id tamen non facit; sed, quod ad utilitatem pertinet suorum Electorum. istud namque est, non privatam, sed communem habere voluntatem, facere, quæ sibi ipsis fieri velle debebant homines; & contraria neque facere, neque velle, quod Electis suis sit obfuturum: ut nos pariter non propriam, sed eamdem cum Deo haberemus voluntatem; nihil faciendo, nihil volendo, quod ad ejusdem honorem non spectet & gloriam; cuius solius procuratio ingentem nobis sit utilitatem allatura.

Accedit ad priora omnia, novum Deo jus acquisitum esse, quo illi ubique obsequi, ad ejusque sanctissimam voluntatem nos conformare debeamus: quia, videlicet, magno malo damnisque nostro, propriâ illiusque abusi sumus voluntate. Sicut itaque Lex XII Tabularum, furiosum, itemque prodigum, bonorum suorum administratione interdictos, in curatione jubet esse agnatorum, qui ex usu commodoque utriusque, rem fami-

Vlpian. Tit. 13, de Curatoribus, & passim Icti.

familiarerit aut negligentis, aut dissipantis,
eamdem procurent: simili, immo meliori
ratione, potestate omni voluntatis nostræ
exsequendæ , si quam aliquando habui-
mus , culpâ vitióque nostro planè excidi-
mus.

Verumtamen singulari præcipue studio
providendum est , ne umquam ex animo
nostro discedat memoria gravissimæ istius
rationis, obligationis justissimæ , summí-
que & strictissimi juris Dei in nos, ad ejus
usquequaque beneplacito obtemperan-
dum; ideo quia est qui est , infinitè bonus,
perfectus, pulcher, sapiens, plenus majesta-
te, omnipotens , bonum denique omne.
Neque ratio ulla, ut dicebam , efficacior,
neque jus majus est hoc ipso ; quamquam
id minimè omnium plerique mortales in-
telligunt. Vnicum isthoc, Devum esse qui
est, bonum supremum , bonique omnis
summam & collectionem ; non excitat so-
lùm nos & obligat, sed necessitatem affert
ultra faciendi, quidquid illi placet, neque
aliud in omni vitâ querendi. Caussa hujas
rei est; quia voluntas nostra in hos cóndita

B

est,

est, ut bonum amet. atqui ubicumque bonum summum & bona omnia conjuncta reperiuntur; si, qualia in se sunt, talia cognoscantur, necessariò amari debent. Iam verò amare, aliud nihil est, quām bene velle bonūmve aliquod desiderare ei quem amamus, bonum autem alteri seriò velle, dici non potest, nisi qui (cùm in suā id manu est) re ipsā illud præstat: alioquin neque veram, neque efficacem suam esse benevolentiam, apertè prodit. Atque uti melius nihil amico aut velle potes, aut facere, quām quod ipse placet: ita, si DEV M diligis , illius debes exequi voluntatem. Quidquid enim juris habet DEVS , ut ametur; illud idē habet, ut beneplacitū suum impleatur:& quia est, qui est, multò quām fingere animo & cogitatione possimūs, amplius juris habet, ut suam, nō nostram voluntatem perficiamus. Nam uti duo hæc nullo pacto conveniunt, DEI , & nostram facere voluntatem; profectò, quantum sibi DEVS jus vendicat, ut ipsum amemus , voluntatique ejus pareamus; tantum quoque obtainere credendus est, necubi propriæ voluntatis inclinationes audiamus.

Quæ

Quæ cùm ita se habeant , verique
sint , quos prædicti , tituli omnes , & jus
istud universum D E V S obtineat ; ecquâ
tandem fronte recusare deinceps aut ter-
giversari possumus ? Vbi ratio nostra se-
pulta jaceret ubi lex , ubi pudor , si torobli-
gationibus repugnare , si tot argumenta
contemnere , si tot jura violare nequa-
quam vereamur ? atque suam D E O coro-
niam & diadema erectum , capiti nostro
imponete ; pérque impudentissimam li-
centiam , contra leges & fas omne , spe mo-
dicæ voluptatis , damnationem nostram
stultè operari malimus , quām salutem
immortalitatēmque in tuto collocare , &
Conditori ac Servatori nostro jus suum
tribuendo , illiusque sanctissimam rectis-
simāmque voluntatem implendo , Æternæ
Majestatis suæ sceptrum auctoritatēmque
divinam conservare , & ab omni injuriâ
prohibere ?